

## " بدون مقابل "

علمتني حاجات كثير  
بافتكرها وقت ما باقرر أبوح  
بافتكرها لما باشحت من عيون الأرض روح  
منها مثلاً..

لو عيون الناس في كفة أبقى وحدي خطي سير  
علمتني ازاي أطير من غير ما ارفرف  
وابقى غير الخلق غير  
علمتني ازاي أحبك  
وازاي أضمك

وابقى خط لسير فاضل لك وقت ضعف جفون عيوني  
علمتني

كلمة الحق فـ رقتني تبقى سيفي لو رموني  
علمتني ازاي أحب بدون مقابل

واما اقابل حد ناقص ببقی جاهل اُبتسم له وما اعرفوش

ما اجر حوش بالسوء واخبي

وابقی ذنبی إني فعلاً ما اعرفوش

علمتني ازاي أفتش جوا قلب لناس وشوش

علمتني وفهمتني وكلمتني

عن زمان ما بقاش يساع لملاك بریشه

عن مكان أسياده جیشه

علمتني

لو زمانها غير زماني إمتی أتأقلم واعیشه

علمتني ازاي أوارب قلبي من غير ما ابقى شیشه

وازاي أصحاب ضلي من غير ما يلازمني

يبقى جنبي وقت ما أقرر أشوفه .. مش بكيفه

علمتني ازاي أخطي الصعب وانا عارف ظروفه

وافتكرها مهما كات الدنيا صعبة

مش هتبقى غير بخيرها

علمتني ازاي أديرها  
وامشي جَوَّ خط سيرها  
علمتني حاجات فاكرها  
حُضن أُمِّي في قلب مصر

